



廣西通志卷二百十八

金石畧四

宋三

朱子美劉伯宗題名

朱子美劉伯宗元豐初年六月二十八日遊口洞

來飲於嵒

下闕
真書
徑二寸許

右刻在臨桂龍隱巖

張頴題名

武陵張頴仲舉而上苗時中子居洛陽劉宗傑唐

輔吳興劉誼宜父

真書
徑三寸許

元豐元年八月初七

日白眞山來遊

真書
徑二寸
右行

張頴字仲舉其先金陵人徙鼎州桃源廣西轉

運使罷歸未幾進直龍圖閣知桂州

宋史張頴傳

苗時中字子居其先自壺關徙宿州交人犯邊

擢廣西轉運副使

宋史苗時中傳

劉誼元豐初提舉廣西常平上言廣西役錢弊

法乞裁損其數遂詔吏輩月給錢遞減二千歲

遂減役錢一千二百餘緡又請罷買沉香減鹽

價四十餘事上稱其論事有陸贄之風王安石

銳意新法極諫不便坐黜歸

文載

右刻在臨桂雉山宋詩紀事劉誼字宜翁

長興人第進士元豐間廣東江西提舉常

平官上疏論新法勒停隱茅山按劉誼曾
公巖記結銜稱管勾本路常平則紀事云
提舉廣東者誤

權發遣轉運使尚書屯田郎中直集賢院張頴副
使殿中丞苗時中提點刑獄太常博士劉宗傑管
勾常平前江山丞劉誼元豐元年八月二十四日
遊龍隱巖

真書徑寸許

右刻在臨桂龍隱巖之迴穴

劉誼曾公巖記

并唱和詩

曾公巖記 元豐元年冬交人入貢上方擇人處
置驛事乃詔曾公自廣州移帥桂府二年南方無

事民和歲豐公以其餘暇訪尋桂之山水奇勝處
一日率郡僚遊所謂風洞者縱步而東行得一巖
於綦芥間巖之前有石爲之門屈曲而入則流水
橫其中碧乳垂其上周環四視其狀如雕鐫刻鏤
殆出於鬼工而不類於融結者也公於是拂石求
前人之迹則未嘗有至者焉乃構長橋跨中流而
渡以爲遊觀宴休之處且與衆共樂之自是州人
士女與天四方之人無日而不來其巖遂爲桂林
絕觀夫桂之洞穴最多南有白龍北有石門迴穴
據其東隱山在其西皆唐名流之所嘗遊也觀其
詠歌序刻莫不極道其勝槩而嘆前人之所遺者

斯巖之景亦冠絕矣而乃獨遺之是真可嘆也已
豈當時忽于尋訪而不見耶將唐人所謂天作而
地藏之必待君子而後顯耶余生長東吳號爲山
水窟中如天台雁蕩最爲奇觀然未有過此者也
邦人樂公之德政而願以曾公名其巖以比甘棠
之思余故爲書之且以告後人收入爲口經盛事
云公名布字子宣其年九月二十六日管勾本路
常平前江口縣丞劉誼記

曾公巖詩 權發遣轉運使尙書度支郎中直集
賢院陳倩 源流承襲孔門賢姓氏今題洞穴間
傳說功高傳巖野謝安名著謝公山激泉救旱爲

霖雨磨石書勲破海蠻應其白雲同一意帝鄉歸
去未能還

次韻 龍圖閣直學士起居舍人經略安撫使曾

布 從事區區厭對賢尋幽深入翠微閑旋開榛

莽東郊路偶得神仙舊隱山都嶠三天臨瘴水

有三洞天外靈巖十里接溪蠻融州靈巖號真仙

山有瘴江何如咫尺隣風穴杖屨時時一往還

湖距桂林和 權轉運副使殿中丞苗時中 紅旆尋幽東

郭旁泉巖新得冠殊方十州氣象天開作萬古荆

榛地蔽藏崖穴乍驚堂室闢榜名知與日星長異

時人指溪橋水思愛還同邵伯棠

和 權發遣提點刑獄公事尚書屯田員外郎劉
宗傑 謝公高興在東山尋得仙巖郡邑邊萬朶
連峯凝碧乳一溪鳴玉逗寒泉由來物外無塵景
須信壺中有洞天嶺服已安襄詔近莫將歸夢更
畱連

和 權發遣提點刑獄公事秘書丞彭次雲 目
擊烟霞畫卷舒披榛敲石得蓬壺洞天日月千年
久人世塵埃一點無靈藥難尋雲縹緲落花不見
水縈紆使君鳳閣翱翔近謾與東山作畫圖
和 權提舉常平秘書丞齊謏 天作地藏知幾
年公來因得茂林間誰言物外真仙境祇接人居

近郭山石乳望中蒼玉隊泉源深處卧龍閑行看

再爲蒼生起乘興從容口遽還

已上俱真書徑一寸注徑五分

曾布字子宣南豐人學于兄輩同登第元豐初

以龍圖閣待制知桂州

宋史姦臣傳

右刻在臨桂冷水巖案布以贊行新法起

官誼以論新法去官氣味不侔矣而蹤蹟

親密記多諛詞何也

曾布題名

南豐曾布甬上苗時中洛陽劉宗傑歷陽口譙吳

興劉誼元豐二年四月二十日同遊

真書徑二寸

右刻在臨桂龍隱巖

起居舍人龍圖閣待制知桂州兼廣西經畧安撫
使曾布權發遣轉運使尙書度支郎中直集賢院
陳倩權副使殿中丞苗時中權發遣提點刑獄太
常博士劉宗傑權發遣提舉常平秘書丞齊誼管
勾常平前江山縣丞劉誼元豐二年五月十日遊
迴穴

眞書徑一寸許

右刻在龍隱巖之迴穴

南豐曾布子宣浦城陳倩君美符離苗時中子居
永安劉宗傑唐輔歷陽齊誼子期長興劉誼宜父
元豐二年六月初三日同遊

眞書徑一寸許

右刻在臨桂疊采山

起居舍人龍圖閣待制知桂州曾布子宣轉運使
尚書度支郎中直集賢院陳倩君美副使殿中丞
苗時中子居提點刑獄太常博士劉宗傑唐輔提
舉常平秘書丞齊謹子期管勾常平前江山縣丞
劉誼宜父元豐二年六月初三日白風洞遊伏波
巖

真書徑一
寸五分

右刻在臨桂伏波巖案二刻爲一日所題
先疊采而後伏波也

曾布陳倩苗時中劉宗傑齊謹劉誼宋元豐二年

中秋遊

真書徑
二寸

右刻在臨桂水月洞

劉宜父題名

元豐二年八月十八日劉宜父曾公冕苗永孺僧

紹簡遊

真書徑二寸

右刻在臨桂中隱山

陳倩題名

元豐三年十二月初五日權本路轉運使朝散大夫直集賢院陳倩君美權荆湖南路轉運使朝奉郎直集賢院朱初平仲隱權發遣提舉本路常平等事光祿寺丞劉誼宜父同遊曾公巖時仲隱宜父瓊筦體量安撫回歸任會此

真書徑二寸

右刻在臨桂冷水巖案宋史南蠻誠徽州

傳熙寧八年有楊光富者率其族姓二十
三州向歸附繼有楊昌銜者亦願罷進奉
出租賦爲漢民獨光僭頗負固不從命詔
湖南轉運使朱初平羈縻之未幾亦降此
云瓊管體量安撫歸當卽其事而劉誼實
同往史未之及也

轉運使朝散大夫直集賢院陳倩權提點刑獄奉
議郎彭次雲權提舉常平奉議郎齊誼權發遣提
舉常平通直郎劉誼元豐三年十二月十七日同
遊雉山巖寺留題

真書徑
二寸

石刻在臨桂雉山案宋詩紀事云彭次雲

吉水人元豐中桂林郡僚據此則爲提點
刑獄矣

王軾題名

建安陳倩吉水彭次雲歷陽齊謨吳口劉誼元豐
三年十二月二十四日同遊伏波巖

眞書徑二寸八分

後

二日大梁和軾獨遊王軾題

眞書徑一寸許

和軾字勝之濮州鄆城人狄青南征使部騎兵
爲前鋒師還擢文思副使權廣西鈐轄累遷皇
城使昭州刺史以榮州團練使知宜州遷西上
閣門使知邕州

宋史和軾傳

右刻在臨桂伏波巖

李時亮題名

元豐辛酉歲孟夏二十三日君美會仲舉仲隱施
元子期自壽寧早膳泛舟晚飲雉巖是日仲隱被
旨還使湖南李時亮謹題

行書徑二寸

右刻在臨桂雉山壽寧今萬壽寺唐曰善
興有舍利塔爾者也又壽寧今多作寧壽
當以石刻爲正

林通題潛德巖

大宋元豐四年辛酉八月林通達夫題

真書徑三寸許

潛德巖

真書徑一尺二寸

林通字達夫富川人仁宗時仕爲御史棄歸隱

縣之豹山人因名其山曰隱山巖曰潛德巖

文載

右刻在富川縣豹山

趙口言題名

元豐壬戌宜州撫水蠻于紀不率秋八月廣西帥
辟奏來與戎事未幾以經制謝公俾權承東南十
三將之乏口于懷遠寨方議進討亟奉中旨悉以
招降迄癸亥春正月罷兵還桂再領帥命暫假茲
郡乘暇遊真仙巖觀先君昔爲郡日所留詩刻追
悼平昔殊爲感慕耳因以誌之夏五月二十八日
文思副使權郡事趙口言題男察寘侍行

右刻在融縣真仙巖謝公者知沅州謝麟

也撫水蠻羅世念叛守臣王奇戰沒詔麟
與和斌討之斌至懷遠寨大破蠻衆世念
率酋黨降此云方議進討亟奉中旨招降
似未與蠻戰者與宋史和斌傳異口言親
與戎事當得其實抑或嫉斌之功邪

眞僊巖詩

留題融州老君巖

權發遣提舉本路常平光祿

口口劉誼口

謾說人間假像眞老君形相亦虛

言巖前瑞氣歸宸翰佛子年年口國恩

中有尺宗
御書歲度

僧一二而口子
之徒仍不與

鑿成巖穴鬼工難中有神仙自

往還不見桃花開落處祇隨流水到人間直龍圖